



騰笑集卷三

今體詩一

夏日 瀛臺侍直紀事六首

暗水三橋出明星萬戶開玉堂鈴索動宣喚入
瀛臺

宿葦多於薺涼沙白似冰隴隴深樹裏忽露九
枝燈

麗草雲根潤風花鳥下香蓬萊今始到真在水
中央

太液新蓮葯金盤曲宴初
君恩念蠲渴先賜馬相如

螭首濡毫罷蛾眉散直歸爐烟香未歇荷氣復
侵衣

紫籞千花露金塘萬柳條牽留容左史徐度赤
闌橋

柳林醉歸馬上作

碧柳圍成圃紅魚種滿池山翁接罷倒未遣葛
疆知

周上舍篁李秀才我郊夜過

溲酒凍春碧萊雞蒸栗黃醉眠無不可西舍有
繩牀

彭城道中詠古二首

舊社粉榆改寒雲芒碭收北風吹野燒飛度斬
蛇溝

博浪飛椎後圮橋進履年無人知偶語况有素
書傳

臨淮口號

鮮鯽臨淮美傳聞尺半強祇供津吏索不放老
夫嘗

鄭州題壁

水濶漁村渡春寒酒旆風河間多姪女若個數

錢工

李檢討

澄中紺園雜詠六首

荷陂

風過蓮葉香日出釣船去不聞雞犬聲但有鷓
鴒語

柳浪

斷岸綠楊齊濃陰覆水低東風吹太急扶起過
橋西

綠水軒

軒中獨木几檻外獨木橋際夜沙月明蘆荻風

蕭蕭

會心亭

雜卉秋尚開淺莎晴可坐於此獨寤言浮榮等
糠莖

鏡香樓

吾里鏡香亭君家鏡香樓滿池鴛鴦浴四面芙
蓉秋

松風臺

山月無片雲夜半松風起欲寫入瑤琴風聲吹
不已

宋僉事學園亭雜詠六首

淶波村

籬門
照碧堂前水分流
穉村築場移碌碡
繫艇到

芰梁

背郭十畝園滿陂
種水粟浴鳥游清泠
人語忽
飛出

釣家

芙蓉以為裳
女蘿以為帶
釣魚師得魚沽酒夕
陽外

和松菴

微風起中林
調我松下琴
黯黯太古色
泠泠太古音

放鴨亭

渚荇抽新碧
園桃吐小紅
莎亭長日坐
不引竹枝弓

緯蕭草堂

草堂何所營
志蟹譜漁具
夜分汀火紅
點點出深樹

社日二首

幾日社公雨芹泥香滿汀生憎飛燕至不放海
東青海東青畏燕子見歐陽原功詞

藥甲何曾碧花枝亦未紅治聾有方法只恨酒
錢空

瓊華島

良嶽移花石離宮枕玉河年年御溝葉相送麴
塵波島石相傳金人自汴移此

自禁垣徙居宣武門外

詔許携家具書難定客蹤誰憐春夢斷猶聽隔
城鐘

淨業寺看荷花同嚴四檢討繩孫作

香刹緣隄轉官橋信水流綠雲千萬頃不見采
蓮舟

送查上舍昇之湖口

爾去彭湖口香鑪對客窗潮痕灌嬰井果否應
潯江

送高騫之東嘉二首

仙人朱孺子枸杞斲長鏡爾去訪遺跡題詩大
若巖

我昔東嘉游姑負小杭州須尋十八寺宴坐大

龍湫

懷汪進士煜

人日梅花落懷君過嶺時安牀紅豆底日日坐
相思

送顧進士永年南歸

曲江游讌罷轉眼一年春此日書驢券仍同下
第人

落日

落日銜西嶺驚沙卷北風今年春已半猶有未
歸鴻

遲湯上舍右曾不至

檉葉綠如繖藤花紫滿簷望君君不至惆悵下
廳簾

得李上舍琇南郡書

爨有温瓶火門無計吏車銀鱗三十六且食武
昌魚

為喬侍讀題畫二首

買斷西濛港湖田二頃餘應同尹都尉暇便著
農書

三百臨安樹移來種水濱如何濃綠底不見採

桑人

燕京郊西雜詠同諸君分賦

十八盤

香山十八盤盤盤種松柏惟見獨行僧稀逢采
樵客

高粱河

高粱寒食時昔年盛游冶隔水百重花長堤兩
走馬

釣臺

鯀魚千百頭湖水二三尺有時溪雲生不見釣

臺石

君子城

吾笑石季龍爾何知好士羅致山城中哀哉數
君子

芙蓉殿

雕宮委礪礫暗粉剝莓苔想見明昌日芙蓉殿
脚開

黃牛岡

亂石侵花當奔沙擁樹根黃牛岡上月橫笛過
前邨

香水院

壞磴接雲根流泉來樹底宛轉入僧厨淙淙鳴不已

夾山寺

禪枝啼谷鳥忍草護松關偶入樵人徑桃花又一山

舊山

石甕久已徙青山仍舊名去都無一舍已覺旅塵清

騰笑集卷四

今體詩二

為姜宸英題畫

潞水秋風上短槎日湖南望水雲賒空教天子知名字不賦長楊賦白華

贈別梅庚三首

宛陵才子數都官似爾清詩和者難猶記春遊潭柘寺下方點筆到層欄

東田西曲我曾居擬向茅山讀道書此意沉吟三歲久送君南去轉躊躇

谿山重叠細泉分畫手由來最軼羣輸與田郎

團扇好秋牕看寫敬亭雲

謂學使
斐也

題王舍人

嗣槐

西山游記三首

三年索米住長安咫尺雲峯欲上難
讀罷高文但西笑開簾試隔女墻看

虛師說浚已干霜石上松猶四尺強
我亦曾尋

二龍子夕陰點華在莓墻

上方絕磴最嶄巖花藥春叢靜不芟
六聘山中

三日住輪君秉燭入空嵌

送徐中允

秉義

假還崑山六首

紫陌春晴匹馬歸清江南下一帆飛
人生半百

且適意未見朝衫勝芟衣

經義紛綸致異同誰能閉戶軟塵中
著書終讓

名山好輸與周南太史公

舊侶荆高對酒頻香螺畫榼五冬春
獨醒客去

無堅坐臥甕憑誰捉醉人

石湖居士范成大金粟山人顧阿瑛
歸向東吳

無箇事畱賓題遍草堂名

爛熳厨烟煮野蔬菘根秋末韭春初
到家一事

差堪惜不食松江巨口魚

中允性
不食魚

淥波碧草望中遙劉井柯亭轉寂寥
他日歸帆

下吳苑先携竹杖訪平橋

送宋僉事犖之官通路四首

十里鶯花露輞前慶豐牒水得漁船莫嫌一出
春明遠猶是城東尺五天

中盤曾聽佛樓鐘按部重登紫蓋峯料得使君
吟興發塞門百道走紅龍

漁陽松繖寶坻魚漚酒吳船味不如更憶昔年
移柳在濃陰輸爾晝簾餘

白馬銀鞍紫絡纓引弓曾傍 屬車行爲郎未
老單車出射虎重過右北平

題高侍讀江村圖二首

菊磻疎寮舊跡存畫圖彷彿見江村雙橋儘許
通舟楫他日柳陰來叩門

杜甫南隣有朱老吾將徙宅問東家水邊沙際
閒田濶添種鴨桃千樹花

爲王祭酒士稹題畫冊二首

澣山灤口水模糊穉柳天桃何處無他日雪堂
畱客逕不難疏鑿擬西湖

寒江窠石早梅舒此地仙居也不如但恐瀑泉
侵案濕小牕催徙讀殘書

題畫羅漢

梅生小十六羅漢筆力遠勝盧楞伽我題此幅
更奇絕人影瘦於枯木查

題曹舍人鈞松下携琴圖二首

少年黃海說曾經愛向松根煮茯苓試問携琴
舊童子絃桐石上許誰聽

溲酒深杯飲欲盡戒壇涼月上還遲昔遊如夢
已難續轉憶山齋並坐時

送張遠之桂林二首

濯枝新雨玉河隄送客遙尋五筦西自是駉鸞

逐仙侶緇塵不上錦障泥

星郵南指伏波巖路轉衡山九面帆吟到相思

江更好綠榕樹底紫蕉衫

唐岳藤花爲汪主事懋麟題

主人百尺梧桐閣只少藤枝踈地垂畫出風前
珠一索看花最愛日長時

披圖轉憶少年遊亂水東西放鶴洲萬樹濃陰
花縷結惺忪香雨釣船頭

魏世倣自贛入燕歸遊三楚詩以贈之

每憶金精天外峯易堂書卷闕春冬竹林舊侶

嗟零落喜見青雲阮仲容

花前未倒白醅缸欲逐新鴻汎楚江九面衡湘
帆轉處醉吟小舫拓紅牕

同里李符游於滇遇碧雞山道士謂曰

子前身廬山行腳僧也後十年當仍歸

廬山符乃畫廬山行腳圖俾予題詩二

首

畫裏分明廬岳僧雲峯有約十年登江湖到處
勾畱住看爾入山能不能

桃鄉一望水接藍擬結隣居共釣潭休信碧雞

狂道士閒拋老屋在花南

題龔主事翔麟西湖雨汎圖二首

茶檣酒幔靜無隣鏡面平波碾濕銀回憶少年
歌舞誤烏篷不作獨吟人

蓴絲菱葉浸魚天十里湖山思悄然疎雨夜眠
聽亦好莫因月黑便回船

題李檢討澄中所藏明月蘆鴈圖二首

吾家水閣傍江斜風荻侵簷一丈花連鴈低飛
渾不見祇聽拍拍響圓沙

遠岸風微宿雨殘天邊忽湧爛銀盤盧河橋畔

秋容好比似南湖一曲看

送高檢討詠還宛陵二首

賦草相如未易過金門無那倦游何誰知淪落
棲遲意匹馬還山興已多

頻年簪筆禁林遊薛稷曾無畫鶴畱歸去宣
州尋散卓雲山恣寫敬亭秋

再題高學士江村圖二首

荒茅結屋短墻垣不似金坡學士園只合年年
借儂住漁竿漁網插溪門

勾吳嚴四畫難得比似菰村境復殊他日平泉

對真景憑誰更寫第三圖

題汪贊善霽讀書秋樹根圖三首

千官仗下列蛾眉東馬嚴徐獻賦時安有斯人
坐雲壑披圖真笑虎頭癡

風林但有石泉聲坐久不聞一鳥鳴縱使滿頭
秋葉舞無妨盡掃入茶鐺

吾家長水塘南宅改歲歸田共爾期百里輕帆
恣來往借書一甌還一甌

題吳徵君叟詩卷二首

藉甚吳郎大雅材賦詩不上栢梁臺翻飛却似

橫汾鴈幾度秋風上苑來
三晉風騷雜僞真遺山歿後更無人把君行卷
誰堪並除是番禺屈大均

題畫

桐葉苔衣晚翠含繩床羽扇罷幽探牀頭不畫
鷓鴣杓知是新涼酒半酣

和韻題惠

周揚

紅豆書莊圖五首

離離紅豆映空亭裊裊牽牛上短屏最愛舍南
風幔卷高城不隔遠山青
粥魚茶板近松門夕照雙浮塔影存一入畫圖

看便好城居僻似沈尤村

全家擬汎酒城東已分生涯釣叟同他日招邀

葑田北一帆風飽似張弓

羣雅之材一百五說詩匡鼎未應過老夫也擬

刪箋注點墨研朱柰嬾何

吳船歸及早梅春淨洗東華裋褐塵我亦潞沙
旋放溜來尋北郭十詩人

題東浦學耕圖二首

上書空敝黑貂歸賣賦年來計漸非爭似爲農
東浦畔醉吟獨速舞蓑衣

老我青緇懶束腰薄田枕水傍彎橋明年佳擬
全家返也買烏犍種楚苗

題洪生對酒圖二首

酒庫京坊六度開近無月奉市官醅荆高舊侶
多零落賴爾南隣日往來

逢着騷人咲獨醒玉山堅坐眼長青吾衰也擬
糟丘老他日相邀注酒經

贈別孟楷二首

老夫臥穩謝浮名羅雀開門少送迎一事近來
差快意篋中詩得孟雲卿

碧山樂府王聖與鑑曲詩人陸務觀五百清詞
纔過眼最愁花外送歸鞍

題董尚書墨跡

三真六草董尚書北米東邢總不如試誦容臺
好詩句一縑肯換百碑礫

題侯開國鳳阿山房圖三首

四先生里讀書庄髯也經營興不忘張華孫詩
陸經義孰居南北孰中央

謂張上舍雲章孫孝廉致彌陸徵君元輔

吾家亦有三畝宅千個篔簹兩樹桐輸與勾吳
歸客健滿頭白髮帝城中

練江風物最牽懷藥布筠筒市滿街他日堂成
須報我便拖竹杖覓吳鞵

題陳履端詞藁

尺書頻寄慰衰遲褰屐風流又一時珠玉連篇
歌乍闕么絃別譜小山詞

丘漢陽壽詩二首

自從江漢棹歸舟雲壑栖遲三十秋占得釣磯
臨海嶼至今八十轉風流
圖經七十二福地其二乃在東楚間先生林居
鉢池近長年不改芙蓉顏

送方編修象瑛假歸遂安二首

駟馬橋曾走傳車倦遊天假病相如到家應
比長松健半畝清陰好著書健松編修齋名
千里霜林倚棹看睦州詩派數方干預期謝豹
花開日栗杖同扶上釣壇

鱸魚同魏坤作四首

水面罾排赤馬船纖鱗巨口咲爭牽吳娘不怕
香囊濕切作銀花鱠可憐
微霜一夜泐湖東楊柳絲黃兩岸風不信輕舟
往來疾筠籃驗取四鰓紅

已脫朝衫分十畊劇憐鄉味算歸程秋風彈指
今年誤輸與江東老步兵
翠網千絲白玉跳蜀薑鏤切韭新苗背蓬圓笠
平生慣準擬抽帆第四橋

飲毛檢討升芳寓齋二首

城隅燒尾宴會同六載重來就菊叢珍重故人
今夕會招尋猶念一漁翁
釣壇南去久離羣不信衰顏酒易醺改歲思尋
富春渚先將藥籙問桐君

題張孔目貞浮家泛宅圖二首

髯也清才壓海嶠會題名姓在方壺何須不食
蓬池鱸只愛烟波伴釣徒
漁童雙髻婢雙鬟暇揭青篷碧玉灣試借輕船
艤淮浦桃花春水送儂還

送陳上舍曾藪還杭州三首

門外驪駒莫便催紅闌亭子上行杯誰能北地
三年住不憶西湖一舸迴

貓頭新笋長林扉雉尾香萼礙釣磯船到水仙
祠下泊更無塵浣藕苗衣
官閣垂楊水寺燈域隅處處結魚罾舊游白髮

幾人在應咲歸遲張季鷹

和胡少叅題春讌圖韵四首

主人詩格似陰何分付尊前次第歌可許野雲
堂畔柳醉聽驟雨打新荷

花間夾侍有明童不讓梨園老樂工記得小山
新曲子填成一半授蓮鴻

銀燈畫榼紫蕉衫不到花源已隔凡他日金隄
畱客夜便思婀娜借吳帆

揉藍短衣勝白越新譜能添笛家闕龍香鳳尾
取次彈就中誰是包明月

題項秀才 奎 水墨小山叢桂二首

少年席研項生同每到秋行桂樹叢今日天涯
展圖書忽驚身是白頭翁

渡口橫橋樹杪樓緇塵相對益鄉愁江南風物
今如此誰道山中不可畱

題周恭肅公畫牛二首

白川畫龍兼畫牛遠村急雨菰蒲秋百年紙墨
黯無色雲氣溟濛猶未收

牧童橫笛吹不得背面却看溪上山記得濫溪
西去路荻花楓葉淺沙灣

題賈院判 鈞 畫荷二首

亭亭紅艷立清波，殺粉調鉛不在多。却笑崔徐思憔悴，鷺鷥汀畔寫枯荷。

黃塵六月倦鳴鞭，苦憶中吳鴨嘴船。夢入蓬牕聽夜雨，半江風葉枕函邊。

爲魏上舍 坤 題水村圖二首

鷗波亭子趙王孫，曾爲錢郎畫水村。過眼雲煙難再覩，披圖彷彿筆踪存。

斜插魚標颺酒旗，柳陰小犬吠笆籬。歸田最是分湖好，我亦相期作釣師。

題畫送徐檢討 鈞 還吳江二首

三高祠下水冥濛，紅蓼花香一笛風。驚起沙鷗定相笑，黑頭未稱作漁翁。

不貪臺閣送行詩，索我尊前折柳詞。合喚菱舟付菱女，更吹漁笛教漁兒。

九日萬柳堂同譚十一表兄 瑄 作三首

百尺金臺近可攀，城西積翠冷孱顏。自緣筋力新來倦，九日聊尋一簣山。

鷓鴣撲鹿起晴沙，路轉平岡日已斜。較是今年籬菊晚，秋深猶膩水蒨花。

改席踈林脫帽多半酣猶望麴車過休嘲酒戶
年來減勸客還能卷白波

題張學士英前輩賜金園圖四首

金海橋西小苑灣偶辭 賜第放船還仙居絕
勝間丘遠割取龍眠一半山

越谿漁客東歸後千載無人乞鑑湖輸與先生
賜金換 君恩歲歲荅魚租

百里團湖冷畫屏到門二十七峯青四軒花月
隨時有不數涪翁舊日亭

橋外松篁檻下池披圖天末起相思廿年不見

羹湖老姚叟畫手前身李伯時

題喬侍讀小像三首

長記斜街侑酒杯千錢買得瓦盆梅何如恣倚
枕榔杖竹尾松陰雪滿堆

我亦京華久謫居懷歸只想狎樵漁秋深寒果
臨岐約十笏閒房共著書

宛轉溪橋浴野鳧城隅瀟洒得重湖少年背面
休相笑憔悴何曾似左徒

奉題徐公元文小像三首

緇塵十丈羃東華快馬明駝殼鯨車誰似先生

銷夏處水亭風幔俯雲沙
鏡裡千頭菡萏紅上番移竹傍青桐縱饒裊展
風流並未許東山老謝公
一編青竹萬蟬魚東馬南狐摠不如官燭兩條
人半臂笑他紅杏宋尚書

送劉郎中守思南二首

劉郎別我玉河灣笑縮銅符領百蠻千騎上頭
殊不惡峒花狔鳥滿溪山
中壘文章賓客詩行春題遍竹王祠郡樓四面
看山色也勝西華拄笏時

己巳二月自古藤書屋移寓槐樹斜街
賦詩四首

穀鯨車輕簸兩輪殘書禿管雜勞薪移居絕似
村夫子寫入圖中儘笑人
莎衫桐帽海棕鞵隨分琴書占小齋老去逢春
心倍惜爲貪花市住斜街
阿戎秋去又春殘遠信封題萬里難不道衰翁
無倚著藤花又讓別人看
屠門菜市費羸驂地僻長稀過客譚一事新來
差勝舊昊天寺近井泉甘

題畫二首

宣和舊譜識徐熙猶記都官畫裏詩三月江南
看不足宛陵句也湖塘花鴨影參差

數株枯柳倚苔磯話別沙頭客未歸多事錢唐
戴文進釣師渲染着紅衣

送黃贊善與堅歸里四首

一曲驪歌迫歲闌慈仁松下駐歸鞍深杯小榼
休辭醉長店岡頭雪正寒

遙想抽帆上下泖梅花人日草堂開隣翁笑指
商山老曾侍東宮講席來

團溪水繞舍北流團溪花發墻東稠先生歸去
著書便日坐團溪溪上樓

誰耐京華久索居入春我亦返田廬岳迴書屋
能畱客鮮鯽須烘四寸魚

送周贊善清原視學浙江三首

三月長安未見花東風猶旋紫濛沙慈仁閣下
三升酒不勸離筵到日斜

蘭陔花暖日初晴萊服潘輿次第迎幾日官程
鄉路便全家催上錦軍城

同游十載爾飛揚此去湖山發興長我是陸機

稱地主不嫌舟楫問斜塘

奉題徐副相祝園修禊卷三首

右軍但草蘭亭序不及羣賢祓禊詩
輸與先生鼠鬚筆春風一一寫烏絲

一時裙屐最風流擘紙花前點筆收
我若當年叅末坐便應罰酒似羊劉

滴珠方勝杵頭新瘦本看來妙入神
真跡祇愁容易賺莫將缸面酒畱人

蘆塘放鴨圖為查大弟嗣璉題二首

橫漲橋東宿雨殘盡驅鴨鴨出紅闌
蘆花兩岸

冷如雪十里秋容倚槩看

鴨頭老綠鴨脚黃十五五沿斜塘不勞蜀郡
滕昌祐勾染一枝紅拒霜

送少宰張先生假旋京口八首

袞袞諸公歲九遷先生何事賦歸田
不愁關吏饑如虎一葉官河放溜舡

便門東去柳依依一路垂絲掃石磯
青眼年年長送客幾人生擁入騶歸

汶濟分流照畫舫中丞問俗向來經
山東父老應傳語雙鬢依然舊日青

清淮泛濫濁河淤鴈戶飄搖少定居厝火積薪
會上策至今太息雒陽書

真州柁轉卽金山曉掛蒲帆十幅還總是當年
釣游地詩牌細拂蘇衣班

墓田丙舍鍾繇帖京口谿山米芾居十丈紅塵
吹不到江樓日日倚南徐

松丘改卜兆青鳥更按崔知悌產圖他日相尋
艤舟處但看門左設桑弧

謫官酒債苦勾畱歲宴終當過潤州笑舁籃輿
拖竹杖春風正及舞雩遊

又題高學士江村圖

草堂又見第三圖一一間房結構殊異日武林
書舊事江村應比賀家湖

王翬老去畫尤工橫幅吳裝仿惠崇會記北高
峰上望村村風景似圖中

魚梁蟹斲水灣環時有溪童放犢還對此莊窠
忽惆悵何年歸臥六峯間

送吳濩入太原三首

娘子關西木葉殘煙霜回首井陘寒馬頭不改
團團月絕壁韓詩拂蘇看

井州山繞岠嵎蒼桐葉祠前柏幾行蘋號長生
水難老憑君抄入篋中方

周郎在浚近在蓮花幕點筆題詩興不孤暇日
經過煩問訊硬黃曾榻石經無

題畫二首

裂帛湖流兩岸平柳陰風暖燕飛輕年光冷笑
長安客開遍山桃不出城

吾家小阮染雲藍比似王微也不慚詩罷尊前
各惆悵幾人今夜夢江南

爲錢給事

晉錫

題王給事

原祁

富春大

嶺圖二首

記得山城水閣添畫看聲裏畫垂簾還憑同省
王郎筆暖翠浮嵐五尺縑

富春江上雨溟濛兩岸花開躑躅紅彷彿舊游
如畫裏一帆曾轉釣壇東

副相徐公庭中種蕉結實禹鴻臚爲作

圖因題絕句四首

已愛清陰護綠紗更看秋蘂綻靈芽豐宜門外
園官老能得幾人逢此花

日南曾記一叢叢合薦冰盤荔子紅誰料塵沙

燕市滿露珠涼綴小亭中

十年青簡待封題官燭長分太乙藜正值閒庭

花放日便應焚藁 禁園西

候虫新鴈驗花時開後重開歲歲宜却笑茅山

張外史僅移白石挿紅氈

題蔡修撰升元早朝圖二首

遮莫皤皤畫鼓頻披帷風定燭如銀繡整只許

狸奴臥辛苦粧臺攏髻人

花時曾見曲江游僂指句臚八度秋日日含毫

趨朶殿中郎才貌寂風流

題腰鼓圖

細畧急捧鼓參搥水調兼歌穆護砂料得翻身

誇絕技只嫌挿髮少葵花

送張世濟之官楚中二首

酌春堂上勸觥船僂指分攜又八年偶寄一官

江漢去風流少府勝藍田

班竹岡斜映翠着牙門戍古颭青旗春風可惜

山翁老未得同游倒接羅

送陳四處士晉明再入楚

燕山雪後送君行茸帽駝裘馬上輕一片晴川

萬楊柳春風重入武昌城

官清幕府足棲遲漢上題襟定有詩鑿井便為

王粲宅行歌隨處葛疆池

給事弟雲宅席上觀倒刺四首

雪後風燈燄燄寒雲韶舊部走伶官一雙手技

從容入勝舞銀貂小契丹

洞庭橘酒注雙餅老去繁絃不厭聽為語參軍

休打鸛衝筵喚出李青青

杯槃暢舞蹈紅綃高下水菱燭一條不是羊家

張靜婉如何帖地轉纖腰

琵琶鐵撥自西涼十四箏絃三足牀街鼓鼕鼕
催不去更翻一曲玉娥郎

咏古二首

漢皇將將屈羣雄心許淮陰國士風不分後來

輸絳灌名高一十八元功

海內詞章有定稱南來庾信北徐陵誰知著作

修文殿物論翻歸祖孝徵

祖誕北魏孝有傳

送徐處士善南還

玉河新柳已堪攀二月交亭送客還十度洞庭

游未足今番真住石公山

鄞物萬充宗多著
作之才以史著
吟其子華同著
老時自已替
一請者產而成
的持請也以此
諸先者請不
承古二首為充
作甚以一代孝
局中請也

送徐秀才天秩還里

燕臺句愛對人誇風裏曾無竟日花生行卷歸中句也
到江南春未晚亂紅堆處櫓嘔啞

題張叟昭小像卽送其還山陽二首

筍籜爲冠大布裘愛從金石拓遺文吾生癖似
劉原父當代楊南仲是君

橐中詩卷足開顏二月三沽放溜還不到長陵

圖石馬披榛怕似九嶷山叟嘗至醴泉圖唐昭陵六馬鏤板傳之茲

欲游昌平未果

題倪高士畫

房山潑墨太模糊那似倪迂意匠殊一片湖光
幾株樹分明秋色小長蘆

題王暈夏山圖二首

王郎手摹一峰畫宛似張顛作草書鼠尾皴山
鷗點樹只今能事有誰如

帝城日日足風霾眯眼黃塵漲六街對此溪山
最清絕便思衝雨踏棕鞵

積雨寄賀秀才

堂坳階面簇青莎鳩婦呼來又出窠說與江南
賀梅子今年暑雨者邊多

倪博士我端讀書城西雨中寄之二首
黑龍潭口水雲腥黃紙無勞畫丙丁料得林扉
昏掩處高荷大芋枕邊聽

雨氣西山黯未開更聞小暑一聲雷不煩走馬
衝泥苦便可乘船入市回

曹贊善鑑倫移居二首

家具先生有幾車朝來移傍古城窪澄泥小硯
題詩處開遍茱萸一丈花

後園虛閣壓城濠濺瀑跳波牖口牢正欲凭闌
看洗象玉河新水一時高

雨中酬王先生士稷早春見過韻二首

架插圖書卽是家但愁無計祝蒼華故人積雨
能來否堂下羅生十樣花

長日看消百刻香借書也學譜羣芳羣芳譜先生祖方伯

送禹鴻臚之洞庭

謫官擬就洞庭居此意沉吟六載餘君去西峰
先相宅小樓容架滿船書

爲魏上舍題水村第二圖二首

江鄉最好是分湖紫蟹紅蝦雪色鱸眯眼塵沙

歸未得倩人重寫水村圖
綠蘋不礙板橋樁紅葉空堆老樹腔異日相過
任風雨抽帆直到讀書窻

題沈上舍洞庭移居圖六首

沈郎歸興及秋風擬學煙波笠澤翁不戀湖莊
收紫茜愛他千樹洞庭紅
銷夏灣頭五月涼堂成面面納湖光楊梅綫紫
枇杷白買斷閒園自在嘗
才微歲晚畏譏彈井社年來欲住難只合全家
太湖去免教小吏侮鄉官

洞府曾傳第九天况聞菴裏足良田煩君埃我
鮎魚口並載吳江赤馬船

濕銀三萬六千頃兩點青螺髻子濃生怕東山
鷺鳴開輕帆徑度莫釐峰

橘田薑稜散租符西舍東鄰與不孤他日相逢
王潑墨也磬生絹索橫圖

題盤山朴公畫像二首

攜來一鉢自曹溪結屋青溝亂石西徧洗苔碑
詮寺塔山花木葉恣畱題

謝家木屐無完齒陶令籃輿怕朔風黃葉滿山

來未得幽尋也待杏花紅

送胡叅議分守河東四首

周北張南夾巷居傳鈔互借一瓿書使君好事
誰能及馬後巾箱載滿車

朔風千里動幽燕欲醉鑪頭費酒錢君到襄陵
官醞熟可能遺我葡萄煎

天際河流戟外黃桃花春水漲魚梁銜杯不改
陵州樂鱸取銀鱗尺半長

歷井捫參儼畫圖到來官閣一塵無十年漢上
題襟客獨愛詩人鄭鷓鴣時鄭上舍培偕行

為李御史

時謙

題畫卽送其南歸二首

移家寄酒思超然才子詩題大曆年我亦愛山
歸未得送君先放櫂頭船

恣縛團茆臥白雲閒看絕頂細泉分名山不少
藏書地諫草何須避客焚

送史館姜君

宸英

還包山二首

白蠟明經亦可憐強吟詩卷放歸船告身許領
郎官軸不藉題名雁塔前

莫釐峰下著書臺十道圖經一室開破臘梅花
遶清夢勝騎官馬踏霜埃

送蔡中允假還省親四首

近傳封事柏臺班不放詞曹返故山獨趨庭闈
頭未白青春一舸潞沙還

攜歸 賜紵坼封緘好進高堂製作衫灣轉雪
谿三百六荷花香裏笑抽帆

春坊宅傍五亭東酒幔茶檣面面風到日別圖
行看子蛤蜊菰葉太湖公

記聽句臚已十年詞頭草罷擘宮箋不知才子
循陔後鎖院何人下水船

題張上舍劄竹林獨坐圖

十年不對鄉閭竹垞北垞南思殺人輸與君家
行看子一叢占斷小園春

吾党張生達者流衡山游罷華山游垂楊左肘
休言怯拄杖終須到上頭

時上舍將游關中

題汪祭酒霽詩卷

金馬紛紛著作家緇塵日日走復車誰如國子
先生暇吟到棠梨日影斜

西陵十子流派別南宋諸公體製殊絕似韋郎
浣花集奇章麗則近來無

庭闈眷戀賦歸難酒伴相逢強自寬只合宅西

添小閣秋山且當故園看祭酒詩卷中有記得年時重九日全家登山之句

送高佑鉞之安邑和魏坤韻二首

西風初著壓絲袍一路涼雲落鴈毛莫悵酒邊稀伴侶和歌猶是舊荆高
驪駒九日郭門催問子西征幾月來最好河東苦桑落客中夜夜引澗杯

騰笑集卷五

今體詩三

送燈上人

廬嶽送齊已杼山歸皎然渡杯看下谿狗祿笑留燕別訝新年驟書憑故里傳休忘煮茶約俟我小亭邊

送施鑒范令什邡

早縮銅章去嚴程莫滯留連雲仍舊棧到日恰高秋訟向泉邊聽書從鳥外郵毋嫌山郭小漢將此封侯

奉酬相國馮夫子問病之作

月閨延秋序樽空病酒徒黃楊生易厄鳥几凭
逾孤夫子勝龍樹奉錢資藥爐清風兼有作宛
使蟄蟲蘇

送慕主事權關杭州

江漲橋邊路星隨使者來須知持國計端藉軼
倫才書幌晴湖卷茶檣夜火開西谿春信早誰
並詠官梅

題李檢討補梅花圖和韻四首

樂飲高齋勝都亭不易哉客從元夕暇花擬故
園開未雨莓苔潤衝寒雀豹來若爲方泐便分

乞小牕栽

疎影孤山後寥寥愛者誰青猿慵未摘翠羽弱
難持落月長疑夢巡簷亦有詩緇塵眼初豁不
厭最繁枝

霽雪三楹屋苔枝四尺身不眠尋塞管相對儼
鄉人愧後遨頭夜思傾婪尾春玉堂許酬和猶
及賞花辰

披圖精舍小酒榼暫教刪只少柁樓坐江橋對
虎山簾猶映松下月未減籬間有約明年放南
隣日往還

壬戌除日 保和殿侍宴

珮結緋魚後樽開白獸先呈能勾樂隊密坐潤
爐烟紫路頻除夕青燈異往年誰當頌椒會猶
侍

聖人前

癸亥元日 賜宴太和門

垂衣逢盛際輯玉盡來庭白醞三光酒青歸一
葉奠新年恩較渥昨日醉初醒九奏鈞天曲風
飄次第聽

十三日 乾清宮 賜宴

詔許 宮門入人隨 陛戟移江梅低壓帽火
樹密交枝既醉盈觴酒無疆萬壽詩夢遊真不
到今夕奉恩私

是夜 賜內紵表二裏一

元老傳

天語殊恩及侍臣禮優加束紵價重抵雙銀笑
荅妻孥問爭尋剪尺頻光風今歲早春服最宜
人

十五日 保和殿侍食

露草詩歌雅雲天易象需不圖大黼樂獨許小

臣俱注椀茶膏滑堆盤菜甲殊歲除曾幾日四
度飫堯廚

是日再入保和殿侍宴

乍賜晨餐出仍容午宴陪一夫馳秉翟七校
下傳杯妙舞娑盤歇華鐘取次催分明衣上月
携自九霄回

二十日召入南書房供奉

本作漁樵侶翻聯侍從臣迂疎人事減出入
主恩頻短袂紅塵少晴牕綠字勻願為温室樹
相映上林春

恩賜禁中騎馬

魚鑰千門啟龍樓一道通趨翔人不易行步馬
偏工鞭拂宮鴉影衣香苑柳風薄遊思賤日足
繭萬山中

三十日

上自南苑回賜所射兔

壹發歌文囿三驅入漢郊乍肥淺艸窟宜入早
春庖賜向燈前出歸從馬後捎食經繙未得
方恣試燔魚

二月初二日賜居禁垣

講直華光殿居移履道坊經營倚將作宛轉繞
宮墻對酒非無月攤書亦有床承
恩還自哂報國祇文章

早秋西華灘

殘暑秋逾熾涼風午午催微波蓮葉卷新雨豆
花開宛轉通橋影清泠傍水隈夕陽山更好金
碧湧樓臺

夜起

銀浦懸宮月金風動井榦魚雲吹不去虬箭滴
初殘木落南樓早山連北口寒秋來無別夢夜

夜望回鑿

壽孟叟

最愛鑑湖好秋山百里青君家秋山下遶屋泉
泠泠黃菊樹百本翠濤開幾餅玉顏長可駐不
藉藥珠經

納臘侍衛性德輓詩六首

驟聽黃雞唱驚隨白馬來百年嗟輟瑟五日尚
銜杯泉下知安往人間信可哀退朝憐相國封
篋忍重開

通籍題羶筆承恩改鷓冠射鳥天一咲走

馬路千盤禁直昏鐘入廊餐午箭殘傷心倚閭
望東第少歸鞍

出塞同都護論功過貳師華堂屬纊日絕域受
降時悽惻傳

天語艱難定月支歛魂猶未散消息九京知

屈指論交地星終十二年斯人不可作知己更
誰憐翠漸深門柳紅仍膩渚蓮舊游存益少悽
斷小亭前

主客披圖得雲烟過眼諳吟花成絕筆聽雨罷
深譚畫裏韶顏在尊前綺語耽憑將腸斷句流

轉到江南

別悔從前易途傷此日窮迴腸歌哭外搔首寂
寥中迹掃孤生竹枝摧半死桐自今觀物化不
詆釋門空

題楊上舍 自牧 潛籟軒

香草芹城外幽居虎峪隈緇塵吹不到白鳥有
時來萬籟入門寂羣花繞屋開家僮聞剝啄知
得異書廻

同毛檢討 奇齡 李檢討 澄中 李中允 鑑

毛檢討 升芳 集馮檢討 勗 齋分韻得南

字

畢卓能轟飲康駢愛劇譚長筵遮視北小徑闢
花南榼醖三升酒麝香二寸柑餘酣留未去采
菊入茶籃

顧編修

藻

以橄欖見遺賦謝二首

叠果青於棗嵇含狀最工紅鹽齊落子翠竹遠
開筒愛惜教頻數歡娛忘屢空要知君子意獨
許歲寒同

絕勝餘甘樹來從荔子村玉盤盛最好青箬裹
猶溫酒後酸漿別茶中俊味存清香留改茂試

配煮河豚

食半翅同徐四處士

善作

賦物憐窮鳥營飛日幾迴遠依黃鼠穴低捨白
龍堆不用深弓射恒愁短翼摧年年隨凍雀重
馬紇干來

味合添雛笋羨宜配凍醪登盤人未識入肆價
須高且緩思鴉炙全勝食雉膏莫愁嘗易盡讒
鼎戒貪饗

春浮閣

春浮本佛樹之子愛逃禪小閣道南市清流牀

口泉攤書官柳近對酒女墻偏盡咲張思曼能
牽岸上船

題喬侍讀侍直圖

朶殿簪毫入千門露未晞臣心勤夙夜

天意慎幾微慎幾微本房御書扁也細細香生幄曈曈日

滿衣非君諳掌故奏事直前稀

秋日萬柳堂同譚十一給事瑄沈秀才

蕙纒龔主事翔麟同賦三首

亂水秋無路篋輿入壞垣粉銷題壁字苔浸插
離門蟲網捎衣桁魚床齧樹根頻來會不厭觴

詠舊游存

撲棗過頭杖裝縣短後衫沙平携小榼徑遠罷
長鑿古塿踈林出遙峰夕照銜蕩舟無不可只
少布為帆

積潦沉官柳迴流限女墻白鷗來款款黃蝶舞
俛俛鄉曲情無改行歌醉不妨城南咫尺地想
見野雲堂

佛手柑二首

柰女環初脫金仙露最甘萬重來水市一笑啓
筠籃味豈踰淮變香仍隔歲含回思珠海住干

樹嶺雲南

宛是祇林得宜從漢殿傳浮江螺女外置驛橋
官先白截鶯肪嫩黃堆兔瑤圓尙嫌香氣遠分
傍枕函邊

晚過崇效寺同李檢討澄中李中允鎧

龐舍人塏曹檢討宜溥賦

繚垣途轉曲入寺淖初乾尙有殘僧在同尋斷
碣看白花秋細細紅棗晚攢攢更上荒臺望遙
山五髻盤

白馬寺

仁壽千年寺今存半畝宮苔鍾橫道北瓦塔限
墻東客至愁嗥犬僧寒似蟄虫夕陽畱未去雙
樹鳥呼風

食鐵脚二首

本與黃頭似羣傳鐵脚名網羅謀盡取膏火遽
先烹凍兔厨人割貧貧市價輕物微憐最苦化
蛤也爲羹

捕自愁雲外來從凍雪初體輕鷓鴣並骨脆鶴
鴝如縱遜披綿雀寧輸附麩鮓故鄉無爾輩只
鱸玉鱸魚

萬柳堂對酒作

亭微沙逾擁橋欹路轉迴自從踈傳去懶逐葛
疆來穉柳春重徙新荷暑未開故人畱旅話仍
勸竹根杯

同李中允 澄中 馮檢討 勗 錢編修 金甫

李諭德 鎰 重過萬柳堂有懷相國馮公

二首

听柳經秋卧簷花過雨摧應門人已換並馬客
重來板屋分熊檻莎亭擾雉媒昔年觴詠日不
記暮笳催

樹吹平泉譜堂仍右相名路迴逢石坐心怯過
橋行稚子喧碁局園官却酒鎗惟餘沙面水猶
似冶源清

夜宿天寧寺大風和徐四處士 善韵

檻外開皇塔三千六百鈴天風吹不定一夜枕
函聽砌咽寒蟲語窓搖獨樹形故人眠未穩吟
旁佛燈青

曉起風未止復賦

已湧高城日猶號昨夜風六年凋佛樹乙字穀
邊鴻催粥桐魚響薰衣桂火籠薄寒須屏擋仍

作鹿皮翁

同錢光夔王原巖虞惇魏坤查嗣躔吳

上雄過白雲觀分韻二首

愛見晴山出郊西萬木踈偶尋樵子逕因訪羽
人居活脫存遺像蒼涼感廢墟惟餘綵繡字髣
髴鶴頭書

世祖興元日真人獨召丘片言能止殺萬里不
虛游羽蛻長春觀池枯太液流誰裁釋老傳乃
與帝師儔

寓居天寧僧舍同魏坤作四首

青豆房容借經旬且閉關日邊連右輔樹杪豁
西山六井泉相似千花塔易攀不應朝市客翻
羨旅人閑

萬古光林寺相傳拓跋宮著書非柱下畱客卽
淹中味坼園蔬甲香携市酒筒波濤人海濶安
坐作漁翁

到此栖遲慣都無應接勞借書僮入市莖薦馬
騰槽塔射層層火松鳴夜夜濤惟嫌重九會風
雨罷登高

故人分月米言自玉田來黃雀兼鄉味金闌勸

客杯徐尚書所遺也醉便尋茗椀行卽遶香臺要踏西
峰雪狂歌未擬回

同郭三徵滿井訪崙公卽事四首

郊行方澤外路轉古城窪早有雨潑火更無風
卷沙青蓮過橋寺紅杏隔墻花一笑遠公在催
停轂鯨車

滿井傳遺事藤蘿縛作門瓜先辰日種花比午
橋繁繡幃高低路青旗遠近村吾來消歇盡閒
與四禪論

故人方外侶謂周處士質也往往說支纖帝里衝風雪

僧厨共米鹽招魂迷去路挂壁有殘縑不待山
陽篴同游淚各霑

一花五葉後譜畧漸紛紜傳擬王巾續燈從井
度分圖書兼梵夾鍾磬遠人羣自煮枏谿茗畱
賓待夕曛



